

Dietmarsia Marsorum populorum sedes & reliquiae creduntur, iij nomen suum à Marso Tuisconis nepote Hermionis filio Germanorum rege repetunt, de his sic refert Althamerus: Sicut Tuiscones, Hermiones, Ingeunes, Istheunes, Germani, Teutonicae sunt vocabula, ita Marsi etimoni habent Germanicum: v̄ eteres namq; Germaniæ populi Saxones (quorum hi pars sunt) palustria & aquosa loca, Mers & Merlude appellant. Palustres autem Marsos, sicut & Holsatos patria lingua dixerunt, locis nemorosis habitantes: inde est VVilstermers, Crempermers, Dietmers. Cui tentiæ accedit etiam Albertius Cranzius lib. i. Vandal. cūm inquit: Marci concessere ad Albim, quorum tenues reliquiae in palustribus sunt non longè ab ostio fluminis Dietmarsi, VVilstermarsi & Crempermarsi: qui quoniam in palustribus locis habitant, obtinuit Saxonum consuetudo, vt omnes palustres, Marci vocitentur. Et lib. i. ca. i. Idem sic ait: Quoniam in vetustissimis rebus, vbi reliqua nulla est in literis memoria, conjecturæ sit locus, omnem ego Holsatiam & Stormariam, in cuius solo fundata est Hamburga, Marsorum genti deputandas puto, quæ in solis palustribus nomen seruauit. In aridis autem habitantibus hoc nomen permisit, vt ad suæ gentis aliquam modò differentiam Holsati dicerentur, qui per vicinæ nemorâ vsque ad terminos VVagri diffunduntur. Stormaria verò quasi Storremarsia, a Stora flumine appellata, vt pro Marsia Maria sit inolutum. Omnis autem ea Marsorum natio ab omni literarum memoria, fuit annumerata, atque etiamnum inferiori Saxoniæ accensetur, quamvis hodie Danoruim imperio subdit. hic enim Régum Daniæ primogenitus, quem admodum Galliæ Regum in Delphinato, moratur: ac quemadmodum Stormariæ seu Storremarsorum Hamburgum ciuitas est sub duce Holsateni, ita Dietmarsorum metropolis est Bremenus v̄bs Episcopalis, habet & Meldorfum, Heininckste, ac aliquot alia oppida. Ob vicinum Septentrionem & fœnenses lacus ære fruuntur humidiore. Regio ipsa palustris adeo est, vt peregrinantibus, itinerantibus que minimè peruia sit: quibus impedimentis freti, diu sele ab exterarum gentium vicinorumque hostium incursu tutati sunt. Sylvis præterea tota implicata ac referta est, vtpote Burg-holt, Aluersdorpeneholt, Resenvalde, ac complutes aliæ. Agri fertilitas ob nimiam humiditatem vix commendanda est. In ipso Cimbricæ Chersonesi introitu ad Albis fluuij ostio sita est regiō, terminaturque à Septentrione Eydero flu. & Danimarchia, ab Ortu Holsteinensi seu Holsatarum ducatu, à Meridie Albi flu. & Storremarsia, ab Occidente Oceano Germanico, vbi Heilichlandt & Bussen insulas respicit. Porro & hac ex Henrici Ranžouij historia Cimbrica subiçere placuit: Dietmarsia (inquit) cum Holsatia cohæret, continensque, cum illa, & inter Britanicum Germanicum que mare (vbi vetustissima Cimbrorum sedes est) posita, ac situ naturaque loci peregregiè munita, gentem præsumptæ libertatis assertricem, bello fortem, multisq; victorijs elatam atque forocem semper habuit. Eius Maiores, Daniæ Regem Ioannem, eius fratrem Fridericum ducē, & alios principes, comites, multamque & Danicam & Holsaticam nobilitatem quæ regibus ducibusq; suis militarem operam fidemque præstítit, aut locorum iniquitate in palustres voragine depreßerunt, aut nefariè trucidarunt, itaque magnas de eisdem victorijs reportarunt. Hos Fridericus II. Rex Daniæ, Ioannes & Adolphus patrui ac fratres Holsatiæ duces, vnamini consensu, Inuictis animis, & communii sumptu adgressi, magnisq; viribus in intimam Dietmarsiam penetrantes, tribus prælijs acerrimè repugnantes incolas deuicerunt, & duo oppida, Meldorfum & Heidam, ceperunt. In qua quidem expeditione asperrima, præcipes bellii duces inuictorum Imperatorum, & virtutis militaris officia impigre obierunt. Adolphus Princeps gravi vulnere saucijs, dubiam spem vitæ edit. Ioannes Ranžouius, Regis, ac Principiū decreto, sumimus bellī dux, ex spherula plumbea vulnus accepit. Deuicti tandem Dietmarsi, Regi ac Ducibus supplices facti, fidelitatis iuramentum præstiterunt, annuatim de singulis agrorum iugeribus thalerum, & dimidiatum messem simul promittentes. Hucusque Ranžov. In cuius eruditissimis scriptis non de hac tārum regione, sed & plurimi totius Septentrionis, præcipue tamen Daniæ & Holsatiæ, prouincijs, per multa lectu dignissima inueniuntur.



